



**HORATII TVRSELLINI || ROMANI || E SOCIETATE IESV ||  
LAVRETANAЕ HISTORIAE || LIBRI QVINQVE. ||**

**Torsellini, Orazio**

**Romae, 1597**

Cap. 28. Quida[m] à cædis consilio reuocatur.

---

[urn:nbn:de:hbz:466:1-64112](#)

tentia exceptit, & dolor offensi Dei. Ergo conscientia impensis excussa, flens redit ad sacerdotem: labes non confessione magis, quam lacrymis eluit. Expiato tandem animo, ad augustam Virginis Aedem verecunde, ac dubitanter accedit. mirabile dictu. qui audenti clausus fuerat, verecundanti aditus patuit.

*Quidam patraturus cædem in Lauretana Æde  
diuinitus in diuersum mutatur.*

*Cap. XXVIII.*

**I**lsdem fere diebus aliud haud absimile accidit. Ciuis Asculanus honestus, ac diues filiolum ex nouo matrimonio suscepserat mense septimo. Hunc nutrici alendum dederat; & quia vnicus, immaturoque partu editus erat, sollicito subinde eum reuisebat animo. Forte euenit, ut puerum natura imbecillum, nulla nutricis culpa, repentinus morbus extingueret. Enim uero nutrix haud ignara, quantum mali à pueri patre præferocis ingenij homine immineret sibi; protinus occulta fuga properat Lauretum, multum in Deipara præsidij ponens. Nec spes fefellit. Ille ut vnicum filium exanimem conspexit, dolore simul, iraque amens, furere, incusare Deum, Diuosque, nutricem querere ad necem. Cum ea non compareret, iram in nutricium vertit, quem vulneribus confossum pro mortuo reliquit. Neque hic stetit cruore imbutus furor. Comperita nutricis fuga, propere succinctus armis Lauretum aduolat. Irrumpit in templum ea mente, ut nutricem, vel in ipsa sacrosancta cella ante ora Virginis trucidaret. Lustratis frustra templi recessibus, ventum erat ad Deiparæ celiam, ubi nutrix expiatis paulo ante vitæ maculis, obnixe B. Mariæ implorabat fidem. Itaque sub eius tutela, umbraque latuit. Quippe homini furenti, & cædem anhestanti hæc diuinitus iniecta est cogitatio; si sacrosanctum li-

men

men intraret, haud dubie futurum, ut emollito pectore, vlciscendi omittet curam. Proinde alio versus lompes templi angulos perlustrare cœpit. Ecce autem dum lymphato similis discurrevit, forte aram B. Mariæ Annunciatæ titulo inlytam præterit. Hæc ara sacrosancto facello extrinsecus adiecta est, sub fenestra qua Gabriel Archangelus intrasse fertur. Igitur ille conspectis per fenestram forte luminibus, quæ plurima ante B. Virginem usque colludent; subita loci religione tactus, genua submittit, mira dietu res. Homo ferus, ac ferreus repente mollitur: mutatoque in diuersum animo, sacerdotem adit. Ibi abiectis armis, eius genibus aduoluitur, iter alienæ cædis causa suscepit, verterè se in suam salutē velle memorans. Cæterū in eo quoque tutela Deiparæ præsens apparuit, quod is ad eundem sacerdotem applicuit se, ad quem paulo ante nutrix accesserat. Itaque ille totius negotij fatis gratus, Asculani ciuis confessione audita, haud ægre lenitum iam animum perpulit, vt insonti feminæ ignosceret. Et Asculanus vitro recepit, certis se indicis ostensurum, bona fide redisse cum illa in gratiam. Dictis facta benigniora etiam adiecit. Mulierem domum reductam domesticis, virum eius benigne curatum agrestibus præposuit rebus, periculo in emolumentum à Deipara verso. Sub id tempus Collegium Illyricum, vt eius alumni accuratius bonis artibus excoolerentur Romam transferri placuit. Clemensis itaque VIII. Pont. iussu alumni Romam euocati: & Romano Seminario aggregati, ius ac nomen Illyrici Collegij pro sua parte tuentur. Incidit hæc migratio in annū M. D. XCIII. qui est nostræ historiæ postremus, vt CCC. ipsos annos Aedis Lauretanæ, nostra historia complectatur. Hæc autem pauca de multis, ac prope innumerabilibus elegimus, quæ litteris proderemus, lectorum monuisse contenti, tantam esse Lauretanarum rerum, miraculorumque syluam; vt à nemine tam multa, tam magna dici possint, quin multo plura ac maiora dictis supersint.

Cele-